

INDEX GEOGRAPHICUS. 7

Abraham in Ægyptum, ut peregrinaretur ibi: prævaluerat enim fames in Terra, v. 11. dixit Sarai uxori suæ: v. 13. dic quod soror mea sis, v. 15. sublata est mulier in domum Pharaonis, &c. postea Abraham à rege ditatus, intactam eam recipit, Genes. 21. v. 21. Habitavit Ismaël in deserto Pharan, & accepit illi mater sua uxorem de Terra Ægypti, 25. v. 18. habitavit (Ismaël) ab Hevilla usque Sur, qua respicit Ægyptum, 37. v. 27. Joseph venundatur Ismaëlitis, qui duxerunt eum in Ægyptum, v. 36. & vendiderunt Putiphari Eunuchò, Pharaonis magistro militum, qui fideliter serviens, toti domui præponitur: sed à domina stupri intentati accusatus, in carcerem conjicitur, ubi Regis Pharaonis Pincernæ & Pistoris somnia interpretatus, etiam ad Pharaonis ipsius somnium interpretandum evocatus, eo demonstrato princeps omni Ægypto constituitur, & fame paulò post ubique ingravescente patrem, fratresque suos in Ægyptum accitos collocat in regione Gessen. Josepho autem mortuo alii Pharaones videntes quod filii Israël in nimiam multitudinem crescerent, eos durissimis operibus opprèssere, eorumque infantes masculos interfici aut submergi ab obstetricibus jussere. Sed Moyses servatus post signa plurima in conspectu Pharaonis, & Ægyptiorum facta, populum Israël ab Ægypto liberavit, & in Terram promissam deduxit. Sed innumera sunt in utroque Testamento, præcipueque in Veteri de Ægypto testimonia, Marcus 2. v. 13. & seq. Angeli monitu Joseph fugit in Ægyptum, cum Jesu infante, & Maria conjuge: ibique moratur usque ad obitum Herodis. V. Cham, & Mesraim.

Ælam, Elam, 1. Paralip. 1. v. 17. Filii Sem: Ælam, & Assur, &c. Ælami posteris alii Persidem, alii Mediam attribuunt: primùm utramque facilè concederem, & tandem populis in partes plures divisas solam Persidem.

Æmath aliàs Emath, est inter munitissimas Tribus Nephthali, Josue 19. v. 35. cujus sub Amathuntis nomine meminit Josephus 13. Antiq. c. 19. & 14. cap. 11. & 1. Bell. c. 3. & c. 6. Alexander etenim Judææ Rex eam expugnavit cum pretiosissima quæque facultatum suarum in ea deposuisset Theodorus. Et postea Gabinio pro Romanis Judæam omnem in curias quinque dividente: omnium sedes fuere Jerosolymis, Gadaris, Amathunte, Hiericunte, & Sephori.

Aën, Aïn .. Aën, primùm scribitur in prima parte Tribus Juda, ordine vicesima octava, Josue 15. v. 32. sed postea in Simeonis Tribum concessa prima Urbs est in secunda hujus Tribus parte, & decima quarta, si Urbium septemdecim, quæ sunt in tota Tribu Simeon, ratio habeatur, Josue 19. versu 7. ubi Aïn scribitur. V. & iterum Aën, 1. Paralip. 4. v. 32. Vide Animadversiones.

Ægannim. V. Engannim.

Æthiopes populi, Æthiopia regio, quæ pars Africæ meridionalior, & cujus populi supra Ægyptum longè latèque sedes obtinuerunt. Horum multoties est mentio in Veteri Testamento, vix aliqua in Novo.

Africa Orbis nostri, sive Continentis pars tertia, eaque meridionalior; & quæ Chami posteris concessa est, Genes. 10. v. 6. Chami filii sunt Chus, Mesraim, Phuth, & Chanaan, quos vide suis locis. Chus autem & Chanaan suis non contenti sortibus, extra Africam sedes alias quæsiere, & ex Semi partibus aliquas eripuerunt.

Agaba aliàs Gabatha castellum, in quo Galestes Aristobulum regnum affectantem recepit, Josephus 13. Ant. cap. 24.

Agar fons, Genes. 16. v. 7. Cum invenisset eam (Agar) Angelus Domini juxta fontem, quæ in solitudine, qui est in via Sur in deserto, v. 8. dixit ad eam: Agar ancilla Sarai, unde venis? & quò vadis? quæ respon-

Latit. Gr. Scr.	Longit. Gr. Scr.
34. 30.	90. 0.
33. 24.	67. 33.
21. 10. 15. 0.	62. 0. 61. 0.
23. 0.	80. 0.
31. 59.	67. 14.
31. 2. $\frac{1}{2}$	65. 12. $\frac{1}{2}$